


1808

1808

যুগলাঙ্গুরীয় ।



শ্রী বঙ্কিমচন্দ্র চট্টোপাধ্যায় প্রণীত ।

পঞ্চম বার মুদ্রিত ।



HARE PRESS: CALCUTTA.

1893.

মূল্য ১০ আনা ।

PRINTED BY JADU NATH SEAL,



46, BECHU CHATTERJEE'S STREET.

PUBLISHED BY UMACHARAN BANERJEE,
5, PRATAP CHANDRA CHATTERJEE'S LANE, CALCUTTA.



যুগলাঙ্গুরীয় ।

প্রথম পরিচ্ছেদ ।



ই জনে উদ্যানমধ্যে লতামণ্ডপতলে
দাঁড়াইয়াছিলেন। তখন প্রাচীন
নগর তাত্রলিপ্তের * চরণ ধৌত
করিয়া অনন্ত নীল সমুদ্রে য়ুহু য়ুহু
নিলাদ করিতেছিল।

* আধুনিক তামলুক। পুরাবৃত্তে পাওয়া যায় যে পূর্বকালে এই
নগর সমুদ্রতীরবর্তী ছিল।

তাত্রলিপ্ত নগরের প্রান্তভাগে, সমুদ্রতীরে এক বিচিত্র অট্টালিকা ছিল। তাহার নিকট একটা সুনির্মিত বৃক্ষবাটিকা। বৃক্ষবাটিকার অধিকারী ধনদাস নামক একজন শ্রেষ্ঠী। শ্রেষ্ঠীর কন্যা হিরণ্ময়ী লতামণ্ডপে দাঁড়াইয়া এক যুবা পুরুষের সঙ্গে কথা কহিতেছিলেন।

হিরণ্ময়ী বিবাহের বয়স অতিক্রম করিয়া-ছিলেন। তিনি ঈপ্সিত স্বামীর কামনায় একাদশ বৎসরে আরম্ভ করিয়া ক্রমাগত পঞ্চবৎসর, এই সমুদ্রতীরবাসিনী সাগরেশ্বরী নাম্নী দেবীর পূজা করিয়াছিলেন, কিন্তু মনোরথ সফল হয় নাই। প্রাপ্তযৌবনা কুমারী কেন যে এই যুবার সঙ্গে একা কথা কহেন, তাহা সকলেই জানিত। হিরণ্ময়ী যখন চারি বৎসরের বালিকা, তখন এই যুবার বয়ঃক্রম আট বৎসর। ইহার পিতা শচীসূত শ্রেষ্ঠী ধনদাসের প্রতিবাসী, এজন্য উভয়ে একত্র বাল্যক্রীড়া করিতেন। হয় শচীসূতের গৃহে, নয় ধনদাসের গৃহে, সর্ব্বদা একত্র সহবাস করিতেন।

এক্ষণে যুবতীর বয়স ষোড়শ, যুবাব বয়স বিংশতি বৎসর, তথাপি উভয়ের সেই বালসখিদ্ধ সম্বন্ধই ছিল। একটু মাত্র বিঘ্ন ঘটয়াছিল। যথাবিহিত কালে উভয়ের পিতা, এই যুবক যুবতীর পরস্পরের সঙ্গে বিবাহসম্বন্ধ করিয়াছিলেন। বিবাহের দিন স্থির পর্য্যন্ত হইয়াছিল। অকস্মাৎ হিরণ্যীর পিতা বলিলেন, “আমি বিবাহ দিব না।” সেই অবধি হিরণ্যী আর পুরন্দরের সঙ্গে সাক্ষাৎ করিতেন না। অদ্য পুরন্দর অনেক বিনয় করিয়া, বিশেষ কথা আছে বলিয়া, তাঁহাকে ডাকিয়া আনিয়াছিলেন। লতামণ্ডপতলে আসিয়া হিরণ্যী কহিল, “আমাকে কেন ডাকিয়া আনিলে? আমি এক্ষণে আর বালিকা নহি, এখন আর তোমার সঙ্গে এমত স্থানে একা সাক্ষাৎ করা ভাল দেখায় না। আর ডাকিলে আমি আসিব না।”

যোল বৎসরের বালিকা বলিতেছে, “আমি আর বালিকা নহি” ইহা বড় মিষ্ট কথা। কিন্তু সে রস অনুভব করিবার লোক সেখানে কেহই

ছিল না। পুরন্দরের বয়স বা মনের ভাব
সে রূপ নহে।

পুরন্দর মগ্ধপবিলম্বিত লতা হইতে একটা পুষ্প
ভাঙ্গিয়া লইয়া তাহা ছিন্ন করিতে করিতে বলিলেন,
“আমি আর ডাকিব না। আমি দূরদেশে চলিলাম।
তাই তোমাকে বলিয়া যাইতে আসিয়াছি।”

হি। দূরদেশে ? কোথায় ?

পু। সিংহলে।

হি। সিংহলে ? সে কি ? কেন সিংহলে যাইবে ?

পু। কেন যাইব ? আমরা শ্রেষ্ঠী—বাণিজ্যার্থ
যাইব। বলিতে বলিতে পুরন্দরের চক্ষু ছল ছল
করিয়া আসিল।

হিরণ্ময়ী বিমনা হইলেন। কোন কথা
কহিলেন না, অনিমেষলোচনে সম্মুখবর্তী সাগর-
তরঙ্গে সূর্য্যকিরণের ক্রীড়া দেখিতে লাগিলেন।
প্রাতঃকাল, মৃদুপবন বহিতেছে,—মৃদুপবনোপ্তিত
অতুঙ্গতরঙ্গে বালারুণরশ্মি আরোহণ করিয়া
কাঁপিতেছে—সাগরজলে তাহার অনন্ত উজ্জ্বল রেখা

প্রসারিত হইয়াছে—শ্যামাঙ্গীর অঙ্গে রক্তালঙ্কার-
বৎ ফেননিচয় শোভিতেছে, তীরে জলচর পক্ষিকুল
শ্বেতরেখা সাজাইয়া বেড়াইতেছে । হিরণ্ময়ী সব
দেখিলেন,—নীলজল দেখিলেন, তরঙ্গশিরে
ফেনমালা দেখিলেন, সূর্য্যরশ্মির ক্রীড়া দেখিলেন,
—দূরবর্তী অর্ণবপোত দেখিলেন, নীলাম্বরে
কৃষ্ণবিন্দুবৎ একটি পক্ষী উড়িতেছে, তাহাও
দেখিলেন । শেষে ভূতলশায়ী একটা শুষ্ক
কুসুমের প্রতি দৃষ্টি করিতে করিতে কহিলেন,

“তুমি কেন যাবে—অন্যান্যবার তোমার পিতা
যাইয়া থাকেন ।”

পূরন্দর বলিল, “আমার পিতা বৃদ্ধ হইতেছেন ।
আমার এখন অর্থোপার্জনসময় হইয়াছে ।
আমি পিতার অনুমতি পাইয়াছি ।”

হিরণ্ময়ী লতামণ্ডপের কাষ্ঠে ললাট রক্ষা
করিলেন । পূরন্দর দেখিলেন তাঁহার ললাট কুঞ্চিত
হইতেছে, অধর স্ফুরিত হইতেছে, নাসিকারন্ধ্র স্ফীত
হইতেছে । দেখিলেন যে হিরণ্ময়ী কাঁদিয়া ফেলিলেন ।

পুরন্দর মুখ ফিরাইলেন। তিনিও একবার আকাশ, পৃথিবী, নগর, সমুদ্র সকল দেখিলেন, কিন্তু কিছুতেই রহিল না—চক্ষুর জল গণ্ড বহিয়া পড়িল। পুরন্দর চক্ষু মুছিয়া বলিলেন, “এই কথা বলিবার জন্ম আসিয়াছি। যে দিন তোমার পিতা বলিলেন কিছুতেই আমার সঙ্গে তোমার বিবাহ দিবেন না, সেই দিন হইতেই আমি সিংহলে যাইবার কল্পনা স্থির করিয়াছিলাম। ইচ্ছা আছে যে সিংহল হইতে ফিরিব না। যদি কখন তোমায় ভুলিতে পারি. তবেই ফিরিব। আমি অধিক কথা বলিতে জানি না, তুমিও অধিক কথা বুঝিতে পারিবে না। ইহা বুঝিতে পারিবে, যে আমার পক্ষে জগৎসংসার এক দিকে, তুমি এক দিকে হইলে, জগৎ তোমার তুল্য নহে।” এই বলিয়া পুরন্দর হঠাৎ পশ্চাৎ ফিরিয়া পাদচারণ করিয়া অন্য একটা বৃক্ষের পাতা ছিঁড়িলেন। অশ্রুবেগ কিঞ্চিৎ শমিত হইলে, ফিরিয়া আসিয়া আবার কহিলেন, “তুমি আমায় ভালবাস তাহা জানি।

কিন্তু যবে হটক অন্তের পত্নী হইবে । অতএব তুমি আর আমায় মনে রাখিও না । তোমার সঙ্গে যেন এ জন্মে আমার আর সাক্ষাৎ না হয় ।”

এই বলিয়া পুরন্দর বেগে প্রস্থান করিলেন । হিরণ্ময়ী বসিয়া কাঁদিতে লাগিলেন । রোদন সংবরণ করিয়া একবার ভাবিলেন, “আমি যদি আজি মরি, তবে কি পুরন্দর সিংহলে যাইতে পারে ? আমি কেন গলায় লতা বাঁধিয়া মরি না—কিন্ধা সমুদ্রে ঝাঁপ দিই না ?” আবার ভাবিলেন, “আমি যদি মরিলাম, তবে পুরন্দর সিংহলে যাক না যাক, তাতে আমার কি ?” এই ভাবিয়া হিরণ্ময়ী আবার কাঁদিতে বসিল ।





দ্বিতীয় পরিচ্ছেদ ।



ন যে ধনদাস বলিয়াছিলেন যে “আমি পুরন্দরের সঙ্গে হিরণের বিবাহ দিব না” তাহা কেহ জানিত না। তিনি তাহা কাহারও সাক্ষাতে প্রকাশ করেন নাই। জিজ্ঞাসা করিলে বলিতেন, “বিশেষ কারণ আছে।” হিরণ্যয়ীর অগ্ৰাণ্ণ অনেক সম্বন্ধ আসিল—কিন্তু ধনদাস কোন সম্বন্ধেই সম্মত হইলেন না। বিবাহের কথামাত্রে কর্ণপাত করিতেন না। “কণ্ঠা

বড় হইল” বলিয়া গৃহিণী তিরস্কার করিতেন ; ধনদাস শুনিতেন না । কেবল বলিতেন, “গুরুদেব আশ্বন—তিনি আসিলে এ কথা হইবে ।”

পুরন্দর সিংহলে গেলেন । তাঁহার সিংহল যাত্রার পর দুই বৎসর এইরূপে গেল । পুরন্দর ফিরিলেন না । হিরণ্ময়ীর কোন সম্বন্ধ হইল না : হিরণ্ অষ্টাদশ বৎসরের হইয়া উদ্যানমধ্যস্থ নব-পল্লবিত চূতবৃক্ষের শ্রায় ধনদাসের গৃহ শোভা করিতে লাগিল :

হিরণ্ময়ী ইহাতে দুঃখিত হয়েন নাই । বিবাহের কথা হইলে পুরন্দরকে মনে পড়িত ; তাঁহার সেই ফুলকুসুমমালামণ্ডিত কুঞ্চিতকৃষ্ণকুস্তলাবলী-বেষ্টিত সহস্র মুখমণ্ডল মনে পড়িত ; তাঁহার সেই দ্বিরদশুভ্র স্কন্ধদেশে স্বর্ণপুষ্পশোভিত নীল উত্তরীয় মনে পড়িত ; পদ্মহস্তে হীরকানুরীয়গুলি মনে পড়িত ; হিরণ্ময়ী কাঁদিতেন । পিতার আজ্ঞা হইলে যাহাকে তাহাকে বিবাহ করিতে হইত । কিন্তু সে জীবন্মৃত্যুবৎ হইত । তবে তাঁহার বিবাহোদ্যোগে

পিতাকে অপ্রবৃত্ত দেখিয়া, আত্মদিত হউন বা না হউন, বিস্মিত হইতেন । লোকে এত বয়স অবধি কন্যা অবিবাহিতা রাখে না—রাখিলেও তাহার সম্বন্ধ করে । তাঁহার পিতা সে কথায় কণ পর্য্যন্ত দেন না কেন ? একদিন অকস্মাৎ এ বিষয়ের কিছু সন্ধান পাইলেন ।

ধনদাস বাণিজ্যহেতু চীনদেশে নির্মিত একটা বিচিত্র কোটা পাইয়াছিলেন । কোটা অতি বৃহৎ—ধনদাসের পত্নী তাহাতে অলঙ্কার রাখিতেন । ধনদাস কতকগুলিন নূতন অলঙ্কার প্রস্তুত করিয়া পত্নীকে উপহার দিলেন । শ্রেষ্ঠিপত্নী পুরাতন অলঙ্কারগুলিন কোটাসমেত কন্যাকে দিলেন । অলঙ্কারগুলিন রাখা ঢাকা করিতে হিরণ্ময়ী দেখিলেন, যে তাহাতে একখানি ছিন্ন লিপির অর্দ্ধাবশেষ রহিয়াছে ।

হিরণ্ময়ী পড়িতে জানিতেন । তাহাতে প্রথমেই নিজের নাম দেখিতে পাইয়া কোতূহলাবিষ্ট হইলেন । পড়িয়া দেখিলেন, যে, যে অর্দ্ধাংশ আছে,

তাহাতে কোন অর্থবোধ হয় না। কে কাহাকে
লিখিয়াছিল, তাহাও কিছুই বুঝা গেল না। কিন্তু
তথাপি তাহা পড়িয়া হিরণ্ময়ীর মহাভীতিসঞ্চার
হইল। ছিন্ন পত্রখণ্ড এইরূপ।

জ্যোতিষী গণনা করিয়া দেখিলা

হিরণ্ময়ী তুল্য সোনার পুত্তলি

বাহ হইলে ভয়ানক বিপদ ।

সর মুখ পরস্পরে ।

হইতে পারে

হিরণ্ময়ী কোন অজ্ঞাত বিপদ আশঙ্কা করিয়া
অত্যন্ত ভীত হইলেন। কাহাকে কিছু না বলিয়া
পত্র খণ্ড তুলিয়া রাখিলেন ।





তৃতীয় পরিচ্ছেদ ।



ই বৎসরের পর আরও এক বৎসর
গেল। তথাপি পুরন্দরের সিংহল
হইতে আসার কোন সংবাদ পাওয়া
গেল না। কিন্তু হিরণ্যায়ীর হৃদয়ে
তাঁহার মূর্তি পূর্ববৎ উজ্জ্বল ছিল।

তিনি মনে মনে বুঝিলেন যে পুরন্দরও তাঁহাকে
ভুলিতে পারেন নাই—নচেৎ এতদিন ফিরিতেন।

এইরূপে দুই আর একে তিন বৎসর গেলে,
অকস্মাৎ একদিন ধনদাস বলিলেন, যে “চল,

সপরিবারে কাশী যাইব । গুরুদেবের নিকট হইতে তাঁহার শিষ্য আসিয়াছেন । গুরুদেব সেইখানে যাইতে অনুমতি করিয়াছেন । তথায় হিরণ্যরী বিবাহ হইবে । সেইখানে তিনি পাত্র স্থির করিয়াছেন ।”

ধনদাস, পত্নী ও কন্যাকে লইয়া কাশী যাত্রা করিলেন । উপযুক্তকালে কাশীতে উপনীত হইলে পর, ধনদাসের গুরু আনন্দস্বামী আসিয়া সাক্ষাৎ করিলেন । এবং বিবাহের দিন স্থির করিয়া যথাশাস্ত্র উদ্যোগ করিতে বলিয়া গেলেন ।

বিবাহের যথাশাস্ত্র উদ্যোগ হইল, কিন্তু ঘট কিছুই হইল না । ধনদাসের পরিবারস্থ ব্যক্তি ভিন্ন কেহই জানিতে পারিল না যে বিবাহ উপস্থিত । কেবল শাস্ত্রীয় আচার সকল রক্ষা করা হইল মাত্র ।

বিবাহের দিন সন্ধ্যা উত্তীর্ণ হইল—এক প্রহর রাত্রে লগ্ন, তথাপি গৃহে যাহারা সচরাচর থাকে, তাহারা ভিন্ন আর কেহ নাই । প্রতি-

বাসীরাও কেহ উপস্থিত নাই। এ পর্য্যন্ত ধনদাস ভিন্ন গৃহস্থ কেহও জানে না যে, কে পাত্র—কোথাকার পাত্র। তবে সকলেই জানিত যে, যেখানে আনন্দস্বামা বিবাহের সম্বন্ধ করিয়াছেন, সেখানে কখন অপাত্র স্থির করেন নাই। তিনি যে কেন পাত্রের পরিচয় ব্যক্ত করিলেন না, তাহা তিনিই জানেন—তঁাহার মনের কথা বুঝিবে কে ? একটা গৃহে পুরোহিত সম্প্রদানের উদ্যোগাদি করিয়া একাকী বসিয়া আছেন। বাহিরে ধনদাস একাকী বরের প্রতীক্ষা করিতেছেন। অন্তঃপুরে কন্যাসজ্জা করিয়া হিরণ্ময়ী বসিয়া আছেন—আর কোথাও কেহ নাই। হিরণ্ময়ী মনে মনে ভাবিতেছেন—“এ কি রহস্য ! কিন্তু পুরন্দরের সঙ্গে যদি বিবাহ না হইল—তবে যে হয় তাহার সঙ্গে বিবাহ হউক—সে আমার স্বামী হইবে না।”

এমন সময়ে ধনদাস কন্যাকে ডাকিতে আসিলেন। কিন্তু তঁাহাকে সম্প্রদানের স্থানে লইয়া যাইবার পূর্বে, বস্ত্রের দ্বারা তঁাহার দুই চক্ষুঃ দৃঢ়তর

বাঁধিলেন । হিরণ্ময়ী কহিলেন, “একি পিতা ?”
 ধনদাস কহিলেন, “গুরুদেবের আজ্ঞা । তুমিও
 আমার আজ্ঞামত কার্য্য কর । মন্ত্রগুলি মনে মনে
 বলিও ।” শুনিয়া হিরণ্ময়ী কোন কথা কহিলেন
 না । ধনদাস দৃষ্টিহীনা কন্যার হস্ত ধরিয়া সম্প্র-
 দানের স্থানে লইয়া গেলেন ।

হিরণ্ময়ী তথায় উপনীত হইয়া যদি কিছু
 দেখিতে পাইতেন, তাহা হইলে দেখিতেন, যে
 পাত্রও তাঁহার ন্যায় আবৃতনয়ন । এইরূপে বিবাহ
 হইল । সে স্থানে গুরু পুরোহিত এবং কণ্ঠ্যকর্ত্তা
 ভিন্ন আর কেহ ছিল না । বর কণ্ঠ্য কেহ কাহাকে
 দেখিলেন না । শুভদৃষ্টি হইল না ।

সম্প্রদানান্তে আনন্দস্বামী বরকণ্ঠ্যকে কহি-
 লেন, যে “তোমাদিগের বিবাহ হইল, কিন্তু তোমরা
 পরস্পরকে দেখিলে না । কণ্ঠ্যার কুমারী নাম
 যুচানই এই বিবাহের উদ্দেশ্য ; ইহজন্মে কখন
 তোমাদের পরস্পরের সাক্ষাৎ হইবে কি না বলিতে
 পারি না । যদি হয়, তবে কেহ কাহাকে চিনিতে

পারিবে না। চিনিবার আমি একটা উপায় করিয়া দিতেছি। আমার হাতে দুইটা অঙ্গুরীয় আছে। দুইটা ঠিক এক প্রকার। অঙ্গুরীয় বে প্রস্তুত্রে নিৰ্ম্মিত, তাহা প্রায় পাওয়া যায় না। এবং অঙ্গুরীয়ের ভিতরের পৃষ্ঠে একটি ময়ূর অঙ্কিত আছে। ইহার একটি বরকে একটি কন্যাকে দিলাম। এরূপ অঙ্গুরীয় অন্য কেহ পাইবে না— বিশেষ এই ময়ূরের চিত্র অনশুকরণীয়। ইহা আমার স্বহস্তখোদিত। যদি কন্যা কোন পুরুষের হস্তে এইরূপ অঙ্গুরীয় দেখেন, তবে জানিবেন যে সেই পুরুষ তাঁহার স্বামী। যদি বর কখন কোন স্ত্রীলোকের হস্তে এইরূপ অঙ্গুরীয় দেখেন, তবে জানিবেন যে তিনিই তাঁহার পত্নী। তোমরা কেহ এ অঙ্গুরীয় হারাইও না, বা কাহাকে দিও না, অন্নাভাব হইলেও বিক্রয় করিও না। কিন্তু ইহাও আঞ্জা করিতেছি, যে অদ্য হইতে পঞ্চবৎসর মধ্যে কদাচ এই অঙ্গুরীয় পরিও না। অদ্য আষাঢ় মাসের শুক্লা পঞ্চমী, রাত্রি একাদশ দণ্ড হইয়াছে,

ইহার পর পঞ্চম আঘাটের শুক্লা পঞ্চমীর একাদশ-
দশ রাত্রি পর্য্যন্ত অঙ্গুরীয় ব্যবহার নিষেধ
করলাম । আমার নিষেধ অবহেলা করিলে
গুরুতর অমঙ্গল হইবে ।

এই বলিয়া আনন্দস্বামী বিদায় হইলেন ।
ধনদাস কন্যার চক্ষুর বন্ধন মোচন করিলেন ।
হিরণ্ময়ী চক্ষু চাহিয়া দেখিলেন যে, গৃহমধ্যে কেবল
পিতা ও পুরোহিত আছেন—তাঁহার স্বামী নাই ।
তাঁহার বিবাহরাত্রি একাই যাপন করিলেন ।





চতুর্থ পরিচ্ছেদ ।



বাহাস্তে ধনদাস স্ত্রী ও কন্যাকে
লইয়া দেশে ফিরিয়া আসিলেন ।
আরও চারি বৎসর অতিবাহিত
হইল । পুরন্দর ফিরিয়া আসিলেন
না—হিরণ্ময়ীর পক্ষে এখন ফিরিলেই
কি, না ফিরিলেই কি ?

পুরন্দর যে এই সাত বৎসরে ফিরিল না,
ইহা ভাবিয়া হিরণ্ময়ী দুঃখিতা হইলেন । মনে
ভাবিলেন, “তিনি যে আজিও আমায় ভুলিতে

পারেন নাই বলিয়া আসিলেন না এমনত কদাচ সম্ভবে না । তিনি জীবিত আছেন কি না সংশয় । তাঁহার দেখার আমি কামনা করি না, এখন আমি অন্যের স্ত্রী ; কিন্তু আমার বাল্যকালের স্মৃতি বঁচিয়া থাকুন, এ কামনা কেন না করিব ?”

ধনদাসেরও কোন কারণে না কোন কারণে চিন্তিত ভাব প্রকাশ হইতে লাগিল, ক্রমে চিন্তা গুরুতর হইয়া শেষে দারুণ রোগে পরিণত হইল । তাহাতে তাঁহার মৃত্যু হইল । ধনদাসের পত্নী অনুমৃত হইলেন । হিরণ্ময়ীর আর কেহ ছিল না, একজন হিরণ্ময়ী মাতার চরণ ধারণ করিয়া অনেক রোদন করিয়া কহিলেন, যে তুমি মরিও না । কিন্তু শ্রেষ্ঠিপত্নী শুনিলেন না । তখন হিরণ্ময়ী পৃথিবীতে একাকিনী হইলেন ।

মৃত্যুকালে হিরণ্ময়ীর মাতা তাঁহাকে বুঝাইয়া-
ছিলেন, যে “বাছা তোমার কিসের ভাবনা,
তোমার একজন স্বামী অবশ্য আছেন । নিয়মিত
কাল অতীত হইলে তাঁহার সহিত সাক্ষাৎ হইলেও

হইতে পারে । না হয়, তুমিও নিতান্ত বালিকা নহ । বিশেষ পৃথিবীতে যে সহায় প্রধান—ধন—তাহা তোমার অতুল পরিমাণে রহিল ।”

কিন্তু সে আশা বিফল হইল—ধনদাসের মৃত্যুর পর দেখা গেল যে, তিনি কিছুই রাখিয়া যান নাই । অলঙ্কার অট্টালিকা এবং গার্হস্থ্য সামগ্রী ভিন্ন আর কিছুই নাই । অনুসন্ধানে হিরণ্ময়ী জানিলেন যে, ধনদাস কয়েক বৎসর হইতে বাণিজ্যে ক্ষতিগ্রস্ত হইয়া আসিতেছিলেন । তিনি তাহা কাহাকেও না বলিয়া শোধনের চেষ্টায় ছিলেন । ইহাই তাঁহার চিন্তার কারণ । শেষে শোধনও অসাধ্য হইল । ধনদাস মনের ক্লেশে পীড়িত হইয়া পরলোকপ্রাপ্ত হইয়াছিলেন ।

এই সকল সংবাদ শুনিয়া অপরাপর শ্রেষ্ঠীরা আসিয়া হিরণ্ময়ীকে কহিল যে, তোমার পিতা আমাদের ঋণগ্রস্ত হইয়া মরিয়াছেন । আমরাদিগের ঋণ পরিশোধ কর । শ্রেষ্ঠিকণ্ঠা অনুসন্ধান করিয়া জানিলেন যে, তাহাদের কথাষথার্থ । তখন হিরণ্ময়ী

সর্বস্ব বিক্রয় করিয়া তাহাদের ঋণ পরিশোধ করিলেন । বাসগৃহ পর্য্যন্ত বিক্রয় করিলেন ।

এখন হিরণ্ময়া অন্নবস্ত্রের দুঃখে দুঃখিনী হইয়া নগরপ্রান্তে এক কুটির মধ্যে একা বাস করিতে লাগিলেন । কেবল মাত্র এক সহায় পরম হিতৈষী আনন্দস্বামী, কিন্তু তিনি তখন দূরদেশে ছিলেন । হিরণ্ময়ীর এমন একটা লোক ছিল না যে আনন্দস্বামীর নিকট প্রেরণ করেন ।





পঞ্চম পরিচ্ছেদ ।



হিরণ্ময়ী যুবতী এবং সুন্দরী— একা-
কিনী এক গৃহে শয়ন করা ভাল
নহে। আপদও আছে—কলঙ্কও
আছে। অমলা নামে এক গোপকন্যা
হিরণ্ময়ীর প্রতিবাসিনী ছিল। সে
বিধবা—তাহার একটি কিশোরবয়স্ক পুত্র এবং
কয়েকটি কন্যা। তাহার যৌবনকাল অতীত হইয়া
ছিল। সচ্চরিত্রা বলিয়া তাহার খ্যাতি ছিল।
হিরণ্ময়ী রাত্রিতে আসিয়া তাহার গৃহে শয়ন করিতেন।

একদিন হিরণ্ময়ী অমলার গৃহে শয়ন করিতে আসিলে পর, অমলা তাহাকে কহিল, “সংবাদ শুনিয়াছ, পুরন্দর শ্রেষ্ঠী না কি আট বৎসরের পর নগরে ফিরিয়া আসিয়াছে।” শুনিয়া হিরণ্ময়ী মুখ ফিরাইলেন—চক্ষুর জল অমলা না দেখিতে পায়। পৃথিবীর সঙ্গে হিরণ্ময়ীর শেষ সম্বন্ধ ঘুচিল। পুরন্দর তাঁহাকে ভুলিয়া গিয়াছে। নচেৎ ফিরিত না। পুরন্দর এক্ষণে মনে রাখুক বা ভুলুক, তাঁহার লাভ বা ক্ষতি কি ? তথাপি যাহার স্নেহের কথা ভাবিয়া যাবজ্জীবন কাটাইয়াছেন, সে ভুলিয়াছে ভাবিতে হিরণ্ময়ীর মনে কষ্ট হইল। হিরণ্ময়ী একবার ভাবিলেন—“ভুলেন নাই—কতকাল আমার জন্ম বিদেশে থাকিবেন ? বিশেষ তাহাতে তাঁহার পিতার মৃত্যু হইয়াছে—আর দেশে না আসিলে চলিবে কেন ?” আবার ভাবিলেন, “আমি কুলটা সন্দেহ নাই—নহিলে পুরন্দরের কথা মনে করি কেন ?”

অমলা কহিল, “পুরন্দরকে কি তোমার মনে পড়িতেছে না ? পুরন্দর শচীস্বত শেঠির ছেলে।”

হি। চিনি।

অ। তা সে ফিরে এসেছে—কত নৌকা যে ধন এনেছে, তাহা গুণে সংখ্যা করা যায় না। এত ধন না কি এ তামলিপে কেহ কখন দেখে নাই।

হিরণ্ময়ীর হৃদয়ে রক্ত একটু খর বহিল। তাঁহার দারিদ্র্যদশা মনে পড়িল, পূর্বসম্বন্ধও মনে পড়িল। দারিদ্র্যের জ্বালা বড় জ্বালা। তাহার পরিবর্তে এই অতুল ধনরাশি হিরণ্ময়ীর হইতে পারিত। ইহা ভাবিয়া যাহার খর রক্ত না বহে, এমন স্ত্রীলোক অতি অল্প আছে। হিরণ্ময়ী ক্রণেক কাল অশ্রুমনে থাকিয়া, পরে অশ্রু প্রসঙ্গ তুলিল। শেষ শয়নকালে জিজ্ঞাসা করিল, “অমলে, সেই শ্রেষ্ঠিপুত্রের বিবাহ হইয়াছে ?”

অমলা কহিল, “না, বিবাহ হয় নাই।”

হিরণ্ময়ীর ইন্দ্রিয় সকল অবশ হইল। সে রাত্রিতে আর কোন কথা হইল না।



ষষ্ঠ পরিচ্ছেদ ।



রে এক দিন অমলা হাসিমুখে হির-
গায়ীর নিকটে আসিয়া মধুর ভৎসনা
করিয়া কহিল, “হাঁ গা বাছা, তোমার
কি এমনই ধর্ম্ম ?”

হিরগায়ী কহিল, “কি করিয়াছি ?”

অম। আমার কাছে এতদিন তা বলিতে নাই ?

হি। কি বলি নাই ?

অম। পুরন্দর শেঠীর সঙ্গে তোমার এত
আত্মীয়তা !

হিরগায়ী ঈষৎজিজ্ঞাসিতা হইলেন, বলিলেন, “তিনি

বাল্যকালে আমার প্রতিবাসী ছিলেন — তার বলিব কি ?”

অম । শুধু প্রতিবাসী ? দেখ দেখি কি এনেছি !

এই বলিয়া অমলা একটি কোঁটা বাহির করিল । কোঁটা খুলিয়া তাহার মধ্য হইতে অপূর্বদর্শন, মহাপ্রভাযুক্ত, মহামূল্য হীরার হার বাহির করিয়া হিরণ্ময়ীকে দেখাইল । শ্রেষ্ঠিকণ্ঠা হীরা চিনিত—বিস্মিতা হইয়া কহিল,

“এ যে মহামূল্য—এ কোথায় পাইলে ?”

অম । ইহা তোমাকে পুরন্দর পাঠাইয়া দিয়াছে । তুমি আমার গৃহে থাক শুনিয়া আমাকে ডাকিয়া পাঠাইয়া ইহা তোমাকে দিতে বলিয়াছে ।

হিরণ্ময়ী ভাবিয়া দেখিল, এই হার গ্রহণ করিলে, চিরকাল জন্ম দারিদ্র্য মোচন হয় । ধনদাসের আদরের কণ্ঠা আর অন্নবস্ত্রের কষ্ট সহিতে পারিতেছিল না । অতএব হিরণ্ময়ী ক্ষণেক বিমনা হইল । পরে দীর্ঘনিশ্বাস ত্যাগ করিয়া কহিল, “অমলা ! তুমি বণিককে কহিও যে আমি ইহা গ্রহণ করিব না ।”

অমলা বিস্মিতা হইল । বলিল, “সে কি ?
তুমি কি পাগল, না আমার কথায় বিশ্বাস করিতেছ
না ?”

হি । আমি তোমার কথায় বিশ্বাস করিতেছি
—আর পাগলও নই । আমি উহা গ্রহণ করিব না ।

অমলা অনেক তিরস্কার করিতে লাগিল ।
হিরণ্ময়ী কিছুতেই গ্রহণ করিলেন না । তখন অমলা
হার লইয়া রাজা মদনদেবের নিকটে গেল ।
রাজাকে প্রণাম করিয়া হার উপহার দিল । বলিল,
“এ হার আপনাকে গ্রহণ করিতে হইবে । এ হার
আপনারই যোগ্য ।” রাজা হার লইয়া অমলাকে
যথেষ্ট অর্থ দিলেন । হিরণ্ময়ী ইহার কিছুই
জানিল না ।

ইহার কিছুদিন পরে পুরন্দরের একজন পরি-
চারিকা হিরণ্ময়ীর নিকটে আসিল । সে কহিল,
“আমার প্রভু বলিয়া পাঠাইলেন যে, আপনি যৈ
পৰ্ণকুটীরে বাস করেন ইহা তাঁহার সহ হয় না ।
আপনি তাঁহার বাল্যকালের সখী ; আপনার গৃহ

ঠাহার গৃহ একই। তিনি এমন বলেন না যে আপনি ঠাহার গৃহে গিয়া বাস করুন। আপনার পিতৃগৃহ তিনি ধনদাসের মহাজনের নিকট ক্রয় করিয়াছেন। তাহা আপনাকে দান করিতেছেন। আপনি গিয়া সেইখানে বাস করুন, ইহাই ঠাহার ভিক্ষা।

হিরণ্ময়ী দারিদ্র্যজন্ত যত দুঃখভোগ করিতে-
ছিলেন, তন্মধ্যে পিতৃভবন হইতে নির্বাসনই ঠাহার
সর্বাপেক্ষা গুরুতর বোধ হইত। যেখানে বাল্য-
ক্রীড়া করিয়াছিলেন, যেখানে পিতা মাতার সহবাস
করিতেন, যেখানে ঠাহাদিগের মৃত্যু দেখিয়াছেন,
সেখানে যে আর বাস করিতে পান না, এ কষ্ট
গুরুতর বোধ হইত। সেই ভবনের কথায় ঠাহার
চক্ষে জল আসিল। তিনি পরিচারিকাকে আশী-
র্বাদ করিয়া কহিলেন, “এ দান আমার গ্রহণ করা
উচিত নহে—কিন্তু আমি এ লোভ সংবরণ করিতে
পারিলাম না। তোমার প্রভুর সর্বপ্রকার মঙ্গল
হউক !”

পরিচারিকা প্রণাম করিয়া বিদায় হইল । অমলা উপস্থিতা ছিল । হিরণ্ময়ী তাহাকে বলিলেন, “অমলা, তথায় আমার একা বাস করা হইতে পারে না । তুমিও তথায় বাস করিবে চল ।”

অমলা স্বীকৃত হইল । উভয়ে গিয়া ধনদাসের গৃহে বাস করিতে লাগিলেন ।

তথাপি অমলাকে সর্বদা পুরন্দরের গৃহে যাইতে হিরণ্ময়ী একদিন নিষেধ করিলেন । অমলা আর যাইত না ।

পিতৃগৃহে গমনাবধি হিরণ্ময়ী একটা বিষয়ে বড় বিস্মিতা হইলেন । একদিন অমলা কহিল, “তুমি সংসারনির্ব্বাহের জন্ত ব্যস্ত হইও না, বা শারীরিক পরিশ্রম করিও না । রাজবাড়ী আমার কাগা হইয়াছে—আর এখন অর্থের অভাব নাই । অতএব আমি সংসার চালাইব—তুমি সংসারে কৰ্ত্তী হইয়া থাক ।” হিরণ্ময়ী দেখিলেন, অমলার অর্থের বিলক্ষণ প্রাচুর্য্য । মনে মনে নানা প্রকার সন্দিহান হইলেন ।



সপ্তম পরিচ্ছেদ ।



বাহের পর পঞ্চমাষাঢ়ের শুক্লা পঞ্চমী আসিয়া উপস্থিত হইল । হিরণ্যয়ী এ কথা স্মরণ করিয়া সন্ধ্যাকালে বিমনা হইয়া বসিয়াছিলেন । ভাবিতেছিলেন, “গুরুদেবের আজ্ঞানুসারে আমি কালি হইতে অঙ্গুরীয়টী পরিতে পারি । কিন্তু পরিব কি ? পরিয়া আমার কি লাভ ? হয় ত স্বামী পাইব, কিন্তু স্বামী পাইবার আমার বাসনা নাই । অথবা চিরকালের জন্ত কেনই বা পরের মূর্তি মনে আঁকিয়া রাখি ! এ ছুরস্ত হৃদয়কে শাসিত করাই উচিত ।” নহিলে ধর্ম্মে পতিত হইতেছি ।”

এমন সময়ে অমলা বিস্ময়বিহ্বলা হইয়া আসিয়া কহিল, “কি সর্বনাশ ! আমি কিছুই বুঝিতে পারিতেছি না । না জানি কি হইবে !”

হি । কি হইয়াছে ?

অ । রাজপুরী হইতে তোমার জন্ম শিবিকা লইয়া দাস দাসী আসিয়াছে । তোমাকে লইয়া যাইবে ।

হি । তুমি পাগল হইয়াছ । আমাকে রাজবাড়ী হইতে লইতে আসিবে কেন ?

এমন সময়ে রাজদূতী আসিয়া প্রণাম করিল এবং কহিল যে “রাজাধিরাজ পরম ভট্টারক শ্রীমদনদেবের আজ্ঞা যে হিরণ্ময়ী এই মুহূর্ত্তেই শিবিকা-রোহণে রাজাবরোধে যাইবেন ।”

হিরণ্ময়ী বিস্মিতা হইলেন । কিন্তু অস্বীকার করিতে পারিলেন না । রাজাজ্ঞা অলঙ্ঘ্য । বিশেষ রাজা মদনদেবের অবরোধে যাইতে কোন শঙ্কা নাই । রাজা পরমধাৰ্ম্মিক এবং জিতেন্দ্রিয় বলিয়া খ্যাত । তাঁহার প্রতাপে কোন রাজপুরুষও কোন

স্ত্রীলোকের উপর কোন অত্যাচার করিতে পারে না ।

হিরণ্ময়ী অমলাকে বলিলেন, “অমলে আমি রাজদর্শনে যাইতে সম্মত । তুমি সঙ্গে চল ।”

অমলা স্বীকৃতা হইল ।

তৎসমভিব্যাহারে শিবিকারোহণে হিরণ্ময়ী রাজাবরোধমধ্যে প্রবিষ্টা হইলেন । প্রতিহারী রাজাকে নিবেদন করিল যে শ্রেষ্ঠিকন্যা আসিয়াছে । রাজাঙ্গা পাইয়া প্রতিহারী একা হিরণ্ময়ীকে রাজসমক্ষে লইয়া আসিল । অমলা বাহিরে রহিল ।





অষ্টম পরিচ্ছেদ।



রথায়ী রাজাকে দেখিয়া বিস্মিতা হইলেন। রাজা দীর্ঘাকৃতি পুরুষ, কবাটবন্ধ; দীর্ঘহস্ত; অতি সুগঠিত আকৃতি; ললাট প্রশস্ত; বিস্ফারিত, আয়ত চক্ষু; শাস্ত্র মূর্ত্তি—এরূপ সুন্দর পুরুষ কদাচিত্ত স্ত্রীলোকের নয়নপথে পড়ে। রাজাও শ্রেষ্ঠিকণ্ঠ্যকে দেখিয়া জানিলেন যে, রাজাবরোধেও এরূপ সুন্দরী দুর্লভ।

রাজা কহিলেন, “তুমি হিরথায়ী ?”

হিরথায়ী কহিলেন, “আমি আপনার দাসী।”

রাজা কাহিলেন, “কেন তোমাকে ডাকাইয়াছি তাহা শুন। তোমার বিবাহের কথা মনে পড়ে ?”

হি। পড়ে।

রাজা। সেই রাত্রে আনন্দস্বামী তোমাকে যে অঙ্গুরীয় দিয়াছিলেন, তাহা তোমার কাছে আছে ?

হি। মহারাজ ! সে অঙ্গুরীয় আছে। কিন্তু সে সকল অতি গুহ্য বৃত্তান্ত, কি প্রকারে আপনি তাহা অবগত হইলেন ?

রাজা তাহার কোন উত্তর না দিয়া কাহিলেন, “সে অঙ্গুরীয় কোথায় আছে ? আমাকে দেখাও।”

হিরণ্যময়ী কাহিলেন, “উহা আমি গৃহে রাখিয়া আসিয়াছি। পঞ্চ বৎসর পরিপূর্ণ হইতে আরও কয়েক দণ্ড বিলম্ব আছে—অতএব তাহা পরিতে আনন্দস্বামীর যে নিষেধ ছিল—তাহা এখনও আছে।”

রাজা । ভালই—কিন্তু সেই অঙ্গুরীয়ের
অমুরূপ দ্বিতীয় যে অঙ্গুরীয় তোমার স্বামীকে
আনন্দস্বামী দিয়াছিলেন, তাহা দেখিলে চিনিতে
পারিবে ?

হি । উভয় অঙ্গুরীয় একই রূপ ; সুতরাং
দেখিলে চিনিতে পারিব ।

তখন প্রতিহারী রাজাজ্ঞা প্রাপ্ত হইয়া এক
সুবর্ণের কোটা আনিল । রাজা তাহার মধ্য
হইতে একটা অঙ্গুরীয় লইয়া বলিলেন, “দেখ এই
অঙ্গুরীয় কাহার ?”

হিরণ্ময়ী অঙ্গুরীয় প্রদীপালোকে বিলক্ষণ
নিরীক্ষণ করিয়া বলিলেন, “দেব ! এই আমার
স্বামীর অঙ্গুরীয় বটে, কিন্তু আপনি ইহা কোথায়
পাইলেন ?” পরে কিয়ৎক্ষণ চিন্তা করিয়া বলিলেন,
“দেব ! ইহাতে জানিলাম যে, আমি বিধবা হই-
য়াছি । স্বজনহীন মৃতের ধন আপনার হস্তগত
হইয়াছে । নহিলে তিনি জীবিতাবস্থায় ইহা ত্যাগ
করিবার সম্ভাবনা ছিল না ।”

রাজা হাসিয়া কহিলেন, “আমার কথায় বিশ্বাস কর, তুমি বিধবা নহ।”

হি। তবে আমার স্বামী আমার অপেক্ষাও দরিদ্র। ধনলোভে ইহা বিক্রয় করিয়াছেন।

রা। তোমার স্বামী ধনী ব্যক্তি।

হি। তবে আপনি বলে ছলে কোশলে তাঁহার নিকট ইহা অপহরণ করিয়াছেন।

রাজা এই দুঃসাহসিক কথা শুনিয়া বিস্মিত হইলেন। বলিলেন, “তোমার বড় সাহস! রাজা মদনদেব চোর, ইহা আর কেহ বলে না।”

হি। নচেৎ আপনি এ অঙ্গুরীয় কোথায় পাইলেন?

রা। আনন্দস্বামী তোমার বিবাহের রাত্রে ইহা আমার অঙ্গুলিতে পরাইয়া দিয়াছেন।

হিরণ্ময়ী তখন লজ্জায় অধোমুখী হইয়া কহিলেন, “আর্য্যপুত্র! আমার অপরাধ ক্ষমা করুন— আমি চপলা, না জানিয়া কটু কথা বলিয়াছি।”



নবম পরিচ্ছেদ ।



রঞ্জয়ী রাজমহিষী, ইহা শুনিয়া
হিরঞ্জয়ী অত্যন্ত বিস্মিতা হইলেন ।
কিন্তু কিছুমাত্র আহ্লাদিতা হইলেন
না । বরং বিষণ্ণা হইলেন । ভাবিতে
লাগিলেন, যে “আমি এত দিন
পুরুন্দরকে পাই নাই বটে, কিন্তু পরপত্নীত্বের
যন্ত্রণাভোগ করি নাই । এক্ষণ হইতে আমার
সে যন্ত্রণা আরম্ভ হইল । আর আমি হৃদয়মধ্যে
পুরুন্দরের পত্নী -- কি প্রকারে অশ্রানুরাগিনী হইয়া
এই মহাত্মার গৃহ কলঙ্কিত করিব ?” হিরঞ্জয়ী

এইরূপ ভাবিতেছিলেন, এমত সময়ে রাজা বলিলেন,

“হিরণ্ময়ি ! তুমি আমার মহিষী বটে, কিন্তু তোমাকে গ্রহণ করিবার পূর্বে আমার কয়েকটা কথা জিজ্ঞাস্য আছে । তুমি বিনা মূল্যে পুরন্দরের গৃহে বাস কর কেন ?”

হিরণ্ময়ী অধোবদন হইলেন । রাজা পুনরপি জিজ্ঞাসা করিলেন,

“তোমার দাসী অমলা সর্বদা পুরন্দরের গৃহে যাতায়াত করে কেন ?”

হিরণ্ময়ী আরও লজ্জাবনতমুখী হইয়া রহিলেন । ভাবিতেছিলেন, “রাজা মদনদেব কি সর্ববজ্ঞ ?”

তখন রাজা কহিলেন, “আর একটা গুরুতর কথা আছে । তুমি পরনারী হইয়া পুরন্দরপ্রদত্ত হীরকহার গ্রহণ করিয়াছিলে কেন ?”

এবার হিরণ্ময়ী কথা কহিলেন । বলিলেন, “আর্য্যপুত্র, জানিলাম আপনি সর্ববজ্ঞ নহেন । হীরকহার আমি ফিরাইয়া দিয়াছি ।”

রাজা । তুমি সেই হার আমার নিকট বিক্রয় করিয়াছ । এই দেখ সেই হার । এই বলিয়া রাজা কোঁটার মধ্য হইতে হার বাহির করিয়া দেখাইলেন । হিরণ্ময়ী হীরকহার চিনিতে পারিয়া বিস্মিত হইলেন । কহিলেন,

“আর্য্যপুত্র, এ হার কি আমি স্বয়ং আসিয়া আপনার কাছে বিক্রয় করিয়াছি ?”

রা । না, তোমার দাসী বা দূতী অমলা আসিয়া বিক্রয় করিয়াছে । তাহাকে ডাকাইব ?

হিরণ্ময়ীর অমর্য্যাস্থিত বদনমণ্ডলে একটু হাসি দেখা দিল । বলিলেন,

“আর্য্যপুত্র ! অপরাধ ক্ষমা করুন । অমলাকে ডাকাইতে হইবে না—আমি এ বিক্রয় স্বীকার করিতেছি ।”

এবার রাজা বিস্মিত হইলেন । বলিলেন, “জ্ঞীলোকের চরিত্র অভাবনীয় । তুমি পরের পত্নী হইয়া পুরন্দরের নিকট কেন এ হার গ্রহণ করিলে ?”

হি । প্রণয়োপহার বলিয়া গ্রহণ করিয়াছি ।

রাজা আরও বিস্মিত হইলেন । জিজ্ঞাসা করিলেন, “সে কি ? কি প্রকারে প্রণয়োপহার ?”

হি । আমি কুলটা । মহারাজ ! আমি আপনার গ্রহণের যোগ্য নহি । আমি প্রণাম করিতেছি । আমাকে বিদায় দিন । আমার সঙ্গে বিবাহ বিস্মৃত হউন ।

হিরণ্ময়ী রাজাকে প্রণাম করিয়া গমনোদ্যত হইয়াছেন, এমন সময়ে রাজার বিস্ময়বিকাশক মুখকান্তি অকস্মাৎ প্রফুল্ল হইল । তিনি উচ্চৈর্হাস্য করিয়া উঠিলেন । হিরণ্ময়ী ফিরিল ।

রাজা কহিলেন, “হিরণ্ময়ি ! তুমিই জিভিলে,— আমি হারিলাম । তুমিও কুলটা নহ, আমিও তোমার স্বামী নহি । যাইও না ।”

হি । মহারাজ ! তবে এ কাণ্ডটা কি, আমাকে বুঝাইয়া বলুন । আমি অতি সামান্য স্ত্রী—আমার সঙ্গে আপনার তুল্য গম্ভীরপ্রকৃতি রাজাধিরাজের রহস্য সম্ভবে না ।

“রাজা হাশ্বত্যাগ না করিয়া বলিলেন, “আমার
 ন্যায় রাজারই এরূপ রহস্য সম্ভবে । ছয় বৎসর
 হইল তুমি একখানি পত্রাঙ্ক অলঙ্কারমধ্যে পাইয়া-
 ছিলে ? তাহা কি আছে ?”

হি । মহারাজ ! আপনি সর্ব্বজ্ঞই বটে ।
 পত্রাঙ্ক আমার গৃহে আছে ।

রা । তুমি শিবিকারোহণে পুনশ্চ গৃহে গিয়া
 সেই পত্রাঙ্ক লইয়া আইস । তুমি আসিলে আমি
 সকল কথা বলিব ।





দশম পরিচ্ছেদ ।



রঞ্জয়ী রাজার আজ্ঞায় শিবিকারোহণে স্বগৃহে প্রত্যাগমন করিলেন, এবং তথা হইতে সেই পূর্ববর্ণিত পত্রাঙ্ক লইয়া পুনশ্চ রাজসন্নিধানে আসিলেন। রাজা সেই পত্রাঙ্ক দেখিয়া, আর একখানি পত্রাঙ্ক কোঁটা হইতে বাহির করিয়া হিরঞ্জয়ীকে দিলেন। বলিলেন “উভয় অঙ্কে মিলিত কর।” হিরঞ্জয়ী উভয়ঙ্ক মিলিত করিয়া দেখিলেন, মিলিল। রাজা কহিলেন “উভয়ঙ্ক একত্রিত করিয়া পাঠ কর।” তখন হিরঞ্জয়ী নিম্নলিখিত মত পাঠ করিলেন।

“(জ্যোতিষী গণনা করিয়া দেখিলাম) যে তুমি যে কল্পনা করিয়াছ তাহা কর্তব্য নহে । (হিরণ্যয়ী তুল্য সোণার পুতলিকে) কখন চিরবৈধব্যে নিষ্কিণ্ড করা যাইতে পারে না । তাহার (বিবাহ হইলে ভয়ানক বিপদ ।) তাহার চিরবৈধব্য ঘটবে গণনা দ্বারা জানিয়াছি । তবে পঞ্চবৎসর (পর্যাস্ত পরস্পরে) যদি দম্পতি মুখদর্শন না করে, তবে এই গ্রহ হইতে যাহাতে নিষ্কৃতি (হইতে পারে) তাহার বিধান আমি করিতে পারি ।”

পাঠ সমাপন হইলে, রাজা কহিলেন, “এই লিপি আনন্দস্বামী তোমার পিতাকে লিখিয়া-
ছিলেন ।”

হি । তাহা এখন বুঝিতে পারিতেছি । কেন না, আমাদিগের বিবাহকালে নয়নারুত হইয়াছিল—
কেনই বা গোপনে সেই অদ্ভুত বিবাহ হইয়াছিল—
কেনই বা পঞ্চবৎসর অঙ্গুরীয় ব্যবহার নিষিদ্ধ হই-
য়াছে, তাহা বুঝিতে পারিতেছি । কিন্তু আর ত
কিছুই বুঝিতে পারিতেছি না ।

রাজা । আর ত অবশ্য বুঝিয়াছ যে, এই পত্র পাইয়াই তোমার পিতা পুরন্দরের সহিত সম্বন্ধ রহিত করিলেন । পুরন্দর সেই দুঃখে সিংহলে গেল ।

এ দিকে আনন্দস্বামী পাত্রানুসন্ধান করিয়া একটা পাত্র স্থির করিলেন । পাত্রের কোষ্ঠী গণনা করিয়া জানিলেন, যে পাত্রটির অশীতি বৎসর পরমায়ু । তবে অষ্টাবিংশতি বৎসর বয়স অতীত হইবার পূর্বে, মৃত্যুর এক সম্ভাবনা ছিল । গণিয়া দেখিলেন যে ঐ বয়স অতীত হইবার পূর্বে এবং বিবাহের পঞ্চবৎসর মধ্যে পত্নীশয্যায় শয়ন করিয়া তাহার প্রাণত্যাগ করিবার সম্ভাবনা । কিন্তু যদি কোন রূপে পঞ্চবৎসর জীবিত থাকেন, তবে দীর্ঘ-জীবী হইবেন ।

অতএব পাত্রের ত্রয়োবিংশতি বৎসর অতীত হইবার সময়ে বিবাহ দেওয়া স্থির করিলেন । কিন্তু এত দিন অবিবাহিত থাকিলে পাছে তুমি কোন প্রকার চঞ্চলা হও, বা গোপনে কাহাকে বিবাহ

কর, 'এই জন্ম তোমাকে ভয় দেখাইবার কারণে এই পত্রাঙ্ক তোমার অলঙ্কার মধ্যে রাখিয়াছিলেন।'

“তৎপরে বিবাহ দিয়া পঞ্চবৎসর সাক্ষাৎ না হয়, তাহার জন্ম যে যে কৌশল করিয়াছিলেন, তাহা জ্ঞাত আছ। সেই জন্মই পরস্পরের পরিচয় মাত্র পাও নাই।

“কিন্তু সম্প্রতি কয়েক মাস হইল বড় গোলযোগ হইয়া উঠিয়াছিল। কয়েক মাস হইল আনন্দস্বামী এ নগরে আসিয়া, তোমার দারিদ্র্য শুনিয়া নিতান্ত দুঃখিত হইলেন। তিনি তোমাকে দেখিয়া আসিয়া-ছিলেন, কিন্তু সাক্ষাৎ করেন নাই। তিনি আসিয়া আমার সহিত সাক্ষাৎ করিয়া তোমার বিবাহ বৃত্তান্ত আনুপূর্ব্বিক কহিলেন। পরে কহিলেন,

‘আমি যদি জানিতে পারিতাম যে হিরণ্ময়ী এরূপ দারিদ্র্যাবস্থায় আছে, তাহা হইলে আমি উহা মোচন করিতাম। এক্ষণে আপনি উহার প্রতীকার করিবেন। এ বিষয়ে আমাকেই আপনার ঋণী জানিবেন। আপনার ঋণ আমি পরিশোধ

করিব। সম্প্রতি আমার আর একটা অনুরোধ রক্ষা করিতে হইবে। হিরণ্যীর স্বামী এই নগরে বাস করিতেছেন। উহাদের পরস্পর সাক্ষাৎ না হয়, ইহা আপনি দেখিবেন।’ এই বলিয়া তোমার স্বামীর পরিচয়ও আমার নিকটে দিলেন। সেই অবধি অমলা যে অর্থব্যয়ের দ্বারা তোমার দারিদ্র্য-দুঃখ মোচন করিয়া আসিতেছে, তাহা আমা হইতে প্রাপ্ত। আমি তোমার পিতৃগৃহ ক্রয় করিয়া তোমাকে বাস করিতে দিয়াছিলাম। হার আমিই পাঠাইয়াছিলাম—সেও তোমার পরীক্ষার্থ।”

হি। তবে আপনি এ অঙ্গুরীয় কোথায় পাইলেন? কেনই বা আমার নিকট স্বামী রূপে পরিচয় দিয়া, আমাকে প্রভারিত করিয়াছিলেন? পুরন্দরের গৃহে বাস করিতেছি বলিয়া কেনই বা অনুযোগ করিতেছিলেন?

রাজা। যে দণ্ডে আমি আনন্দস্বামীর অনুষঙ্গী পাইলাম সেই দণ্ডেই আমি তোমার প্রহরায় লোক নিযুক্ত করিলাম। সেই দিনই অমলা দ্বারা

তোমার নিকট হার পাঠাই। তার পর অদ্য পঞ্চম বৎসর পূর্ণ হইবে জানিয়া, তোমার স্বামীকে ডাকাইয়া কহিলাম, 'তোমার বিবাহবৃত্তান্ত আমি সমুদায় জানি। তোমার সেই অঙ্গুরীয়টি লইয়া একাদশ দণ্ড রাত্রে সময়ে আসিও। তোমার স্ত্রীর সহিত মিলন হইবে।' তিনি কহিলেন যে, 'মহারাজের আজ্ঞা শিরোধার্য্য, কিন্তু বনিতার সহিত মিলনের আমার স্পৃহা নাই। না হইলেই ভাল হয়।' আমি কহিলাম, 'আমার আজ্ঞা।' তাহাতে তোমার স্বামী স্বীকৃত হইলেন, কিন্তু কহিলেন যে 'আমার সেই বনিতা সচ্চরিত্রা কি দুশ্চরিত্রা তাহা আপনি জানেন। যদি দুশ্চরিত্রা স্ত্রী গ্রহণ করিতে আজ্ঞা করেন, তবে আপনাকে অধর্ম্ম স্পর্শিবে।' আমি উত্তর করিলাম, 'অঙ্গুরীয়টি দিয়া যাও। আমি তোমার স্ত্রীর চরিত্র পরীক্ষা করিয়া গ্রহণ করিতে বলিব।' তিনি কহিলেন, 'এ অঙ্গুরীয় অশ্রুকে বিশ্বাস করিয়া দিতাম না, কিন্তু আপনাকে অবিশ্বাস নাই।' আমি অঙ্গুরীয় লইয়া তোমার

যে পরীক্ষা করিয়াছি, তাহাতে তুমি জয়ী হইয়াছ।

হি। পরীক্ষা ত কিছুই বুঝিতে পারিলাম না।

এমন সময়ে রাজপুরে মঙ্গলসূচক ঘোরতর বাদ্যোদ্যম হইয়া উঠিল। রাজা কহিলেন, “রাত্রি একাদশ দণ্ড অতীত হইল—পরীক্ষার কথা পশ্চাৎ বলিব। এক্ষণে তোমার স্বামী আসিয়াছেন; শুভলগ্নে তাঁহার সহিত শুভদৃষ্টি কর।”

তখন পশ্চাৎ হইতে সেই কক্ষের দ্বার উদঘা-
টিত হইল। একজন মহাকায় পুরুষ সেই দ্বার-
পথে কক্ষমধ্যে প্রবেশ করিল। রাজা কহিলেন,

“হিরণ্ময়ী, ইনিই তোমার স্বামী।”

হিরণ্ময়ী চাহিয়া দেখিলেন—তাঁহার মাথা
ঘুরিয়া গেল—জাগ্রৎ স্বপ্নের ভেদজ্ঞানশূন্য হই-
লেন। দেখিলেন, পুরন্দর!

উভয়ে উভয়কে নিরীক্ষণ করিয়া স্তম্ভিত,
উন্মত্তপ্রায় হইলেন। কেহই যেন কথা বিশ্বাস
করিলেন না।

রাজা পুরন্দরকে কহিলেন, “সুহৃৎ, হিরণ্ময়ী তোমার যোগ্য পত্নী। আদরে গৃহে লইয়া যাও। ইনি অদ্যাপি তোমার প্রতি পূর্ববৎ স্নেহময়ী। আমি দিবারাত্র ইঁহাকে প্রহরাতে রাখিয়াছিলাম, তাহাতে বিশেষ জানি যে ইনি অনশ্চানুরাগিনী। তোমার ইচ্ছাক্রমে উঁহার পরীক্ষা করিয়াছি, আমি উঁহার স্বামী বলিয়া পরিচয় দিয়াছিলাম, কিন্তু রাজ্যলোভেও হিরণ্ময়ী লুক্ক হইয়া তোমাকে ভুলেন নাই। আপনাকে হিরণ্ময়ীর স্বামী বলিয়া পরিচিত করিয়া ইঙ্গিতে জানাইলাম যে, হিরণ্ময়ীকে তোমার প্রতি অসৎপ্রণয়সক্ত বলিয়া সন্দেহ করি। যদি হিরণ্ময়ী তাহাতে চুঃখিতা হইত, ‘আমি নির্দোষী, আমাকে গ্রহণ করুন’ বলিয়া কাতর হইত, তাহা হইলে বুঝিতাম যে হিরণ্ময়ী তোমাকে ভুলিয়াছে। কিন্তু হিরণ্ময়ী তাহা না করিয়া বলিল, ‘মহারাজ আমি কুলটা; আমাকে ত্যাগ করুন।’ হিরণ্ময়ি! তোমার তখনকার মনের ভাব আমি সকলই বুঝিয়াছিলাম। তুমি অস্ত্র স্বামীর সংসর্গ করিবে

না বলিয়াই আপনাকে কুলটা বলিয়া পরিচয় দিয়াছিলে। এক্ষণে আশীর্ব্বাদ করি তোমরা সুখী হও।”

হি। মহারাজ! আমাকে আর একটা কথা বুঝাইয়া দি। ইনি সিংহলে ছিলেন, কাশীতে আমার সঙ্গে পরিণয় হইল কি প্রকারে? বা ইনি সিংহল হইতে সে সময় আসিয়াছিলেন, তবে আমরা কেহ জানিলাম না কেন?

রাজা। আনন্দস্বামী এবং পুরন্দরের পিতায় পরামর্শ করিয়া সিংহলে লোক পাঠাইয়া ইহাকে সিংহল হইতে একেবারে কাশী লইয়া গিয়াছিলেন, পরে সেইখান হইতে ইনি পুনশ্চ সিংহল গিয়াছিলেন। তাত্রলিপ্তে আসেন নাই। এই জন্ম তোমরা কেহ জানিতে পার নাই।

পুরন্দর কহিলেন, “মহারাজ! আপনি যেমন আমার চিরকালের মনোরথ পূর্ণ করিলেন, জগদীশ্বর এমনই আপনার সকল মনোরথ পূর্ণ করুন। অন্য আমি যেমন সুখী হইলাম, এমন সুখী কেহ আপনার রাজ্যে কখন বাস করে নাই।”

